

SON AR GARANTE BARFET.

Var ton : *Malgré toute la tendresse.*

Laqet eo en hor c'halonou
An desir d'en em garet,
Unan demeus hon ezomou
Eo ar garante barfet;
Destinet eo da beb unan,
Gant eun urz leun a furnez,
E stad hac e chang er bed-man,
Darn so contant, darn diez.

O compren gant attaution,
Quement-se, hac o selaou
An ecot demeus ar c'hanton,
A respont ouz ar moeziou,
Me m'eus remerqet o tremen,
Gant eun ér gyé ha contant,
Dre va c'hichen, eur feumelen,
Pini a ra va zourmant.

Pa meus-hi gueleit o tostat,
Oun comancet da grena,
Bervi a rê ennon va goat,
Gant an aoun hac ar joa;
Qer troublet e oa va speret,
Qen em boa poan o parlant;
Couscoude e meus discleriet
Evellen va zantimant.

Bonjour dec'h, feumelen charmant,
Ha dign da veza caret!
Ma ouffec'h o pe santimant
Emoun-me en oc'h audret,
Ma c'halfec'h gueleit an tourmant
Ho peus laqet em speret,
E teufec'h gant ampressamant
Da soulaji va c'hlenvet.

Aboë ma meus hoc'h anaveet
E concevis evidoc'h
Eun amitie hac eur respet
N'oufe qet beza brassoc'h.
Ret e ve deoc'h beza ingrat,
Ma na zeud eus ho costez
Da gavout anoudeguez vat
A gement a garantez.

Ar Plac'h.

Tavit gant ho complimanchou
Hac ho fidelite vras,
C'houi a suppos santimanchou
Na n'hoc'heus santet biscoas;
Rac m'ho pije, a geid amzer
Evidoun-me concevet
Eun inclination sincer,
C'houi ho pije d'in merquet.

An Den Yaouanq.

Merqet emeus dec'h ho caren
Dre va fêçon da ober;
Honnas eo ar guella moyen
Da dremen evit sincer:
Mes cresqi a rit va zourmant,
Dre eun discour qer cruel;
Elec'h rei din soulajamant,
E teuit d'ober din mervel.

Ar Plac'h.

Den yaouanq, c'houi peus preparet
Evel ma fot ho gentel;

Mes n'en doc'h qet qen resolvet
D'en em lesel da vervel.
C'houi a fot dec'h va abusi
Dre ho comzou studiet;
Ma vent sot aoualc'h d'ho credi,
C'houi c'hoarsfe var va sujet.

An Den Yaouanq.

Plac'h yaouanq, mar qarit sonjal
E meur boent eus va bue,
E velfec'h, elec'h godissal,
E laran ar virione,
Rac er bep seurt occasion
E meus roet dec'h da compren,
Dre an hirvoud eus va c'halon,
Pegement en ho carien.

Ar Plac'h.

N'emeus ho quelet oc'h c'hober
Nemet evel meur a hini;
Dibot eo ar voaset sincer
A eller da rancontri:
Cessit ta d'am importuni,
Tavit gant hoc'h amitie,
Ha ne zeut mui d'en em vanti
Gant ho fos fidelite.

An Den Yaouanq.

O pebez eun dristidigez!
O glac'har cri ha c'hoëro!
N'oun qet caret gant ma mestres;
Guel e d'in beza maro.
An eol, dirac va daoulagad,
Ne ro mui a sclerijen,
Ha nemet em bez ne ven mat
En creis an devalijen!

Ar Plac'h.

Truez emeus ous ho quelet
En eur glac'har qer grevus;
Ho calon a zo contristet,
Pe ez oc'h eun den tromplus:
Mes na oufen e vec'h sincer,
Den Yaouanq m'ho qemerfe
Eus a vremen da servicher;
Marteze me ho carfe.

An Den Yaouanq.

C'hui, va mestrez, c'houi a blij din
Dreist qement zo er bed-man.
Na bigen nicun na garin
Nemedoc'h-hu hoc'h unan:
Quittet, quittet an douetanq
Ho c'heus var va c'harante:
Me en tou dec'h, en assuranc
Bigen nemedoc'h n'am be.

Ar Plac'h.

Sant Pér en doa d'e Vestr touet
Enep e adversourien,
Penos ne vije qet manqet
D'he sicour ha d'en difen,
Allas! ancouat a raz e le
Qent m'en doa ar c'hoc canet;
Ar Sant en devoa gouscoude
Teir guech e zianzavet.

An Den Yaouanq.

Sant Pêr en doa dianzavet
E Vestr mat dirac an oll ;
C'houi ganen a zo qen caret,
Qen a rafen ar c'hontrol.
Dirac an oll dud assambles,
Me so prest da siscleria
Penos e c'houi sur va mestres,
Va flijadur ha va joa.

Ar Plac'h.

Diganec'h ne c'houlennan qet
E teufec'h da bublia
Ar pez biscoas n'ho c'heus sonjet
Marteze bete yrema.
Guell e ve ganen e teufec'h
Dre eur sacrific benac
Da brouvi din scler em c'harfec'h
Gant eun intancion yad.

An Den Yaouanq.

Goulen diganen, va mestres,
Ar sacrific a geret ;
Goulet mar qeri va buez,
Ne viot qit refuset :
Nemet ma ellin, qent mervel,
Obten, e creis va sourmant,
Eus ho compassion eur zell,
Ractal e varvin contant.

Ar Plac'h.

Den yaouanq, me a meus clevet
E voac'h eun den variant,
O c'heus, goude bean comancet,
Torret meur angajamant ;
Birvigen, hac en lavaran,
Ne recevin eur galon
Et obteni ma ne allan
Dre ar guenta donezon.

An Den Yaouanq.

Pa form Doue eur feumelen,
E crou prest eur par dezi ;
Mes pell e vent, mar en orden,
O daou en em rancontri,
Rac-se eta, angajamant,
Promessa hac amitie,
Grêt ouz re-àll, a so neant
D'an eil evel d'eguille.

Ar Plac'h.

Brema me vel patant ha scler
N'ho c'heus qen intancion
Nemet da dremen hoc'h amzer
Ouz va c'henti, va mignon,
Abret eta va dilezet,
Ha retornit adare
D'an hini ho peus prometet
Da guenta ho carante.

An Den Yaouanq.

Va mestres, credit a allet,
Ouz hoc'h c'hanavout gentec'h,
Va speret na bermetje qet
Carout nicun nemedoc'h :
Ha mar be ret d'in separi
Diouzac'h, va c'harante,
Ampoezonet gant an annui,
Ne vo qet hir va bue.

Ar Plac'h.

Avoalc'h, avoalc'h, va zervicher,
Re emeus ho tourmantet,

Rac brema me anave scler
Peguement em cherisset.
Mar emeus gret dec'h anduri
Eun tretamant qer cruel,
E voa evit oc'h aprouvi
Ha gout ha c'houi voa fidel.

An Den Yaouanq.

O distro leun a garantez
Hac a vir gompassion,
Ha possubl e ve, va mestrez,
E ve touchet ho calon !
Beza meus-me an esperanc
Da velet fin d'am poaniou,
Ha da receo ar recompanç
Demeus va oll hirvoudou ?

Ar Plac'h.

Va mignon sec'hit ho taélou,
Va zervicher, me ho ped,
Hac en em cherissomp hon daou
Gant eur garante barfet.
Eus va feurz ho c'heus anduret
An diveza affliction,
Esperout a ran e teufet
Da accordi din pardon.

An Den Yaouanq.

Evel ma ro ar glis neve
Ar vue d'ar yeot sec'het,
Ho comzou a zeu evelse
Da zoulaji va speret ;
Dre eun avis qer gracios,
Me meus esper da veva,
Nonpas heppen eun den eürus,
Mes eun den an eürussa.

Ho torn em hini, va mestrez,
Ha touomp dirac an Ee,
Penos e vimp, hed hor buez,
Fidel an eil d'eguille.
Ne zonjomp mui en hor glac'har,
N'em garomp ha ni gavo
Eur Barados var an douar,
Dre hor plijadurezo.

Var an douar ne n'eus netra
Qen douç hac an esperanc ;
Alies e ra mui a joa
Eget ar guir jouissanc
Eur presant eo digant Doue
Da zoulaji an natur ;
Hac e ve hon tromp a rafe
C'hoas e ra deomp plijadur.

Roue an Ee hac an douar,
Me anvez ho madelez,
Hac a rent dec'h enor ha gloar,
Ha graçou a drugarez :
Dec'hu ho c'hunan eo dleet
Da genta va c'harantez ;
Goude ze, mar er permetet,
He c'honservin d'am mestrez.

C'hui, va Doue, ho c'heus format,
Dre eun urz leun a furnez,
Eva da Adam da bried,
Hac o laqet assembles ;
Plijet ganeoc'h, Oll-Puissant,
E ve din me destinet
Ar feumelen-man qer charmant,
Ho peuz gret din da garet !